

Penerang ke Bup Kereja Pengidup enggau Pengawa Kristian

3-9 FEBRUARI

RETA ARI BUP KUDUS | PEMUNGKAL 12-14

“Sempekat ti Bisi Kaul enggau Nuan”

(Pemungkal 12:1, 2) Ku Jehovah bejaku ngagai Abram, “Tinggalka menua nuan, kaban belayan, enggau rumah apai nuan, lalu bejalai ngagai menua ti deka ditunjukka Aku ngagai nuan.² Aku deka meri nuan mayuh peturun, lalu sida deka nyadi bansa ti besai; Aku deka merekatka nuan, lalu ngaga nuan nyadi orang ke tampak nama; ngambika nuan nyadi berekat ke orang bukai.

it-1 522 ¶4

Sempekat

Sempekat Enggau Abraham. Sempekat enggau Abraham berengkah maya Abram (Abraham) meraka sungai Eupratis lebuh bejalai nuju ngagai menua Kanaan. 430 taun udah nya, Sempekat Adat digaga. (Gal. 3:17) Jehovah bejaku ngagai Abraham lebuh iya diau ba Mesopotamia, di Ur, nengeri orang Kaldea. Dia Jehovah ngasuh Abraham nuju ngagai nengeri ti deka dipandangka ngagai iya. (SKR. 7:2, 3; P-kal. 11:31; 12:1-3) Pemansut 12:40, 41 (LXX) madahka, pengudah 430 taun orang Israel ke diau ba menua Ejip enggau Kanaan, “ba hari nya” mega, sida deka pansut ari nyadi ulun ba menua Ejip. Sida dilepaska ari menua Ejip ba 14 Nisan 1513 S.M. iya nya, lebuh Hari Paska. (P-sut. 12:2, 6, 7) Penerang tu nunjukka Abraham meraka Sungai Eupratis lebuh bejalai nuju ngagai menua Kanaan kena 14 Nisan 1943 S.M. lalu maya tu meh Sempekat enggau Abraham berengkah. Jehovah pegari di mua Abraham pengudah iya datai ngagai Sekem lebuh ba pejalai nuju ke menua Kanaan. Lalu, iya madahka mayuh agi bekaul enggau semaya ngagai Abraham: “Tu meh menua ti deka diberi Aku ngagai *bala peturun* nuan.” Tu nunjukka kaul entara sempekat tu enggau semaya ke digaga ba Kebun Eden pasal benih ti deka ngembuan pengidup baka seiku mensia, reti nya, benih nya deka datai ari peturun mensia. (P-kal. 12:4-7) Utai bukai pasal sempekat tu dipadah Jehovah ba maya bukai, baka ke ditulis ba Pemungkal 13:14-17; 15:18; 17:2-8, 19; 22:15-18.

(Pemungkal 12:3) Aku deka merekatka orang ke merekatka nuan, lalu Aku deka nyumpah orang ke

nyumpah nuan; lalu ngena nuan merekatka semua bansa.

w89 1/7 3 ¶4

Nama Kebuah Kitai Patut Nemu Utai ti Bendar Pasal Abraham

Nya siti semaya ti ngalitka ati, lalu Abraham ninga semaya tu dipadah, abis kurang dua kali. (Pemungkal 18:18; 22:18) Kena ngamatka semaya tu, Petara indah deka ngangkatka sida ke ari raban bansa ti udah nadai agi ba dunya tu. Pengidup sida ke diangkatka idup baru tu amat manah, laban sida deka diangkatka ba maya dunya tu nyau deka sebaka enggau dunya Paradais ti udah dilenyauka mensia. Pengudah nya, sida deka diajar chara ngambika tau bulih berekat idup belama iya.—Pemungkal 2:8, 9, 15-17; 3:17-23.

(Pemungkal 13:14-17) Lebuh Lot udah mupuk, Jehovah lalu bejaku ngagai Abram, “Ari endur alai nuan ke bediri diatu, tinjau enggau manah semua menua tu.¹⁵ Aku deka meri ngagai nuan, enggau ngagai bala peturun nuan semua menua ti dipeda nuan, lalu menua nya deka diempu nuan belama iya.¹⁶ Aku deka meri ngagai nuan mayuh peturun datai ke sida enda ulih diitung agi, baka ke ngitung igi amau di dunya tu!¹⁷ Nya alai diatu, bejalai nuan lalu peratika semua menua tu, laban Aku deka meri semua menua tu ngagai nuan.”

it-2 213 ¶3

Adat

Nitihka bukti sejarah, sekeda pakar madahka, lebuh tanah deka dijual, orang ke meli deka meda tanah nya ari endur ti engkeman ngambika semua tanah nya ulih dipeda enggau terang. Lebuh orang ke meli madahka, “Aku meda,” nya nunjukka iya amat udah nerima tanah nya. Maya Jehovah meri ngagai Abraham menua Kanaan, Abraham diasuh meda semua menua nya. Abraham enda madah, “Aku meda,” laban Petara udah madahka Diri deka meri Tanah ti Udah Disemaya nya ngagai *peturun* Abraham, ila. (P-kal. 13:14, 15) Moses, ke nyadi pengari menua Israel diasuh “meda” menua nya, lalu enti menua ke dipeda nya betul, tuan ke empu tanah nya deka betukar ngagai orang Israel; sida deka ngambi tanah nya ba baruh iring Josua. (U-dat. 3: 27, 28; 34:4; peda mega utai ti dipandangka Sitan

ngagai Jesus ba Mat. 4:8.) Pengawa bukai ke ngembuan reti ti sebaka, iya nya: nujah tanah nya tauka tama endur nya laban deka ngambi tanah nya. (P-kal. 13:17; 28:13) Ba sekeda dokumen kelia, penyampau pun kayu ke bisi ba tanah nya mega ditulis lebuh deka nyual tanah nya.—Banding P-kal. 23:17, 18.

Ngulihka Penemu Bup Kudus ti Berega

(Pemungkal 13:8, 9) Udah nya Abram lalu bejaku enggau Lot, “Kitai tu sama diri sekaban, lalu bala nuan enggau bala aku enda patut belaya. ⁹ Nya alai, manah tua beserara. Pilih ni menua ti dikedekaka nuan. Nuan nguing nengah jalai siti, lalu aku nguing nengah jalai siti.”

w16.05 10 ¶12

Mutarka Penanggul Ngena Pengerindu

¹² Bup Kudus nunjukka chara nembiak Petara ulih terus bebaik enggau orang bukai lebuh bisi laya. Ngambi-ka chunto, Abraham enggau anak menyadi iya Lot sama ngembuan mayuh jelu, lalu orang ke ngibun jelu seduai iya berengkah belaya ketegal enda chukup padang rumput ke semua sida. Ketegal Abraham deka bebaik, iya ngawakka Lot milih menua ti pemedu manah. (P-kal. 13:1, 2, 5-9) Endang chunto ti manah ke kitai! Kati Abraham rugi belama iya ketegal iya gerah jari? Enda. Enda lama udah nya, Jehovah besemaya deka ngenataika mayuh agi berekat ngagai Abraham ari penggerugi ke ditapi iya. (P-kal. 13:14-17) Nama dipelajarka kitai? Taja pan kitai napi penggerugi, Jehovah deka merekatka kitai enti kitai mutarka laya ngena pengerindu.—Peda nota penutup.

(Pemungkal 14:18-20) Lalu Melkisedek, ke nyadi raja nengeri Salem, sereta nyadi imam Petara ti Pemedu Tinggi, mai roti enggau wain ngagai Abram, ¹⁹ lalu merekatka Abram munyi tu, ‘Awakka Petara ti Pemedu Tinggi, ke ngaga langit enggau dunya, merekatka Abram! ²⁰ Pujika Petara ti Pemedu Tinggi, ti udah ngasuh nuan menang ngelaban munsuh nuan!’ Abram lalu meri ngagai Melkisedek sepuluh peratus ari semua perapasan ti udah dirampus iya ari munsuh.

(Hebrew 7:4-10) Peda pemesai iya! Indah aki kitai Abraham deh meri ngagai iya sepuluh peratus ari semua perapasan ti ulih iya beperang. ⁵ Lalu bala peturun Lewi ke diletak nyadi imam, diberi pesan dalam Adat ngasuh sida ngumpul pemeri sepuluh

peratus ari orang Israel, reti nya, ari bansa sida empu, taja pen sida nya mega peturun Abraham. ⁶ Tang Melkisedek tu, ke ukai ari peturun Lewi, nerima pemeri sepuluh peratus ari Abraham, lalu iya merekatka Abraham ke udah nerima semaya Petara. ⁷ Semua kitai ulih besetujuka tu: orang ke baru pangkat sigi diberekatka ulih orang ke tinggi agi pangkat. ⁸ Ba pekara tu, pemeri sepuluh peratus nya diterima mensia ke tau mati, tang ba pekarra Melkisedek, pemeri sepuluh peratus nya diterima orang ke idup. ⁹ Kitai tau ngumbai Lewi, ke nerima pemeri sepuluh peratus, mayar pemeri sepuluh peratus nengah Abraham, ¹⁰ laban Lewi agi dalam tubuh aki iya Abraham lebuh Melkisedek betemu enggau Abraham.

it-2 683 ¶1

Imam

Melkisedek, ke nyadi raja menua Salem, seiku imam (*ko-hen'*) ti amat ngalitka ati. Bup Kudus nadai madahka pasal peturun iya, kemaya iya diadaka tauka kemaya iya mati. Hak iya nyadi imam ukai ketegal peturun. Iya ukai penganti imam besai sereta enda diganti orang bukai. Melkisedek nyadi raja sereta imam. Ketegal imam bansa Lewi datai ari peturun Abraham, nya alai, hak Melkisedek ke nyadi imam, besai agi ari imam bansa Lewi laban Abraham udah mayar sepuluh peratus ngagai Melkisedek lalu nerima berekat ari iya. (P-kal. 14:18-20; Heb. 7:4-10) Ketegal tu, Melkisedek ngambarka Jesus Kristus ke “udah nyadi Imam Besai belama iya, murihka Melkisedek.”—Heb. 7:17.

Macha Bup Kudus

(Pemungkal 12:1-20) Ku Jehovah bejaku ngagai Abram, “Tinggalka menua nuan, kaban belayan, enggau rumah apai nuan, lalu bejalai ngagai menua ti deka ditunjukka Aku ngagai nuan. ² Aku deka meri nuan mayuh peturun, lalu sida deka nyadi bansa ti besai; Aku deka merekatka nuan, lalu ngaga nuan nyadi orang ke tampak nama; ngambilka nuan nyadi berekat ke orang bukai. ³ Aku deka merekatka orang ke merekatka nuan, lalu Aku deka nyumpah orang ke nyumpah nuan; lalu ngena nuan merekatka semua bansa. ⁴ Lebuh umur Abram 75 taun, iya angkat ari Haran, nitihka asuh Jehovah, lalu Lot mupuk enggau iya. ⁵ Abram mai bini iya Sarai, enggau anak menyadi iya Lot, enggau semua reta

10-16 FEBRUARI

RETA ARI BUP KUDUS | PEMUNGKAL 15-17

“Jehovah Nukar Nama Abram enggau Sarai –Nama Kebuah?”

(Pemungkal 15:6) Abram arapka Jehovah, lalu ketegal nya Jehovah ngumbai iya lurus.

w02 1/6 16 ¶15

Rinduka Pengelurus Jehovah

¹⁵ Kelimpah ari nya, pengelurus mensia bisi kaul enggau utai dalam ati mensia, iya nya, pengarap, beterima kasih, sereta pengerindu iya ngagai Jehovah enggau semaya iya. Tu ukai semina ngereja utai ti dikedekaka iya aja. Bup Kudus madahka, Abraham ‘arapka Jehovah, lalu ketegal nya Jehovah ngumbai iya lurus.’ (Pemungkal 15:6) Abraham ukai semina arapka Petara nya bisi tang iya mega arapka semaya Petara pasal “peturun” iya. (Pemungkal 3:15; 12:2; 15:5; 22:18) Ketegal pengarap sereta pengawa ke sejalai enggau pengarap nya, Jehovah bisi kaul enggau Abraham lalu merekatka iya enggau orang ke tetap ati taja pan sida enda sempurna.—Masmur 36:10; Rome 4:20-22.

(Pemungkal 17:3-5) Abram lalu nyungkurka diri ke tanah; lalu ku Petara bejaku, ⁴ “Tu sempekat ti digaga Aku enggau nuan: Aku besemaya deka ngasuh nuan nyadi apai ke mayuh bengkah bansa. ⁵ Nama nuan ukai Abram agi, tang Abraham, laban Aku ngaga nuan nyadika apai mayuh bengkah bansa.

it-1 31 ¶1

Abraham

Nyau kelama udah bekau nya, sida diatu udah ba menua Kanaan pengelama sepuluh taun, tang Sarah agi mandul. Nya alai, iya minta ulun iya, indu orang Ejip ke benama Hagar, nganti iya ngambilka ulih ngadaka anak ke iya. Abraham setuju. Nya alai, ba taun 1932 S.M., maya Abraham beumur 86 taun, Ismail ada. (P-kal. 16:3, 15, 16) Ba taun 1919 S.M., maya Abraham beumur 99 taun, Jehovah ngasuh semua lelaki dalam rumah iya ditutus nyadika tanda ke nunjukka bisi sempekat entara Jehovah enggau Abraham. Ba maya ti sama, Jehovah nukar nama Abram ngagai Abraham, “laban Aku ngaga nuan nyadika apai mayuh bengkah bansa.” (P-kal. 17:5, 9-27; Rom. 4:11) Enda lama udah nya, nengah nama Jehovah, Abraham ngambat tiga iku melikat ti pegari nyadika temuai iya. Lalu sida

kira, enggau semua ulun ti udah ulih iya di Haran, lalu mupuk ngagai menua Kanaan. Lebuh sida datai di Kanaan, ⁶ Abram lalu bejala nengah menua nya lalu datai ba sepun kayu keramat di Moreh, di menua Sekem. (Lebuh maya nya, orang bansa Kanaan agi nguan menua nya.) ⁷ Jehovah pegari di mua Abram lalu bejaku enggau iya, “Tu meh menua ti deka diberi Aku ngagai bala peturun nuan.” Abram lalu ngaga siti alta ba endur nya ke Jehovah ti udah pegari di mua iya. ⁸ Udah nya iya pindah tunga ke selatan ngagai menua ti bebukit tunga ke timur ari nengeri Betel, lalu nirika kem iya ba entara nengeri Betel muak ke barat, enggau nengeri Ai muak ke timur. Dia iya mega ngaga siti alta, lalu nyembah Jehovah. ⁹ Udah nya iya majakka pejalai iya, pindah ari endur siti ngagai endur siti tunga ke selatan menua Kanaan. ¹⁰ Nyadi menua Kanaan kena laban lapar pungkang. Nya alai Abram mupuk ngagai menua Ejip, lalu diau nyadi orang kampar di menua nya, laban lapar pungkang balat amat nyadi di menua Kanaan. ¹¹ Lebuh iya baru deka meraka garis entara menua ngagai menua Ejip, iya bejaku enggau bini iya Sarai, “Aku nemu nuan amat bajik. ¹² Lebuh orang Ejip meda nuan, sida deka ngumbai nuan bini aku, lalu munuh aku, tang nejuka nuan idup. ¹³ Padahka ngagai sida, nuan menyadi aku. Nya baru sida deka manah enggau aku, ketegal nuan, lalu nejuka aku idup.” ¹⁴ Lebuh Abram meraka garis entara menua ngagai Ejip, orang Ejip meda pemajik bini iya. ¹⁵ Sekeda bala pemesai ke gawa dalam istana raja meda Sarai, lalu madahka pasal pemajik iya ngagai raja. Nya alai Sarai lalu dibai ngagai istana. ¹⁶ Ketegal Sarai, raja lalu manah enggau Abram, lalu meri Abram raban bedus, kambin, sapi, keledai, ulun enggau unta. ¹⁷ Tang laban raja udah ngambi Sarai, Jehovah lalu ngasuh raja enggau semua orang ke bekereja dalam istana nya balat diserang penyakit. ¹⁸ Udah nya raja lalu mesanka Abram, lalu nanya iya, “Nama utai tu ti udah dikereja nuan ngagai aku? Nama kebuah nuan enda madahka Sarai nya bini nuan? ¹⁹ Nama kebuah nuan ngumbai iya menyadi nuan, lalu nejuka aku ngambi iya nyadika bini aku? Tu bini nuan. Bai iya, lalu angkat ari tu!” ²⁰ Raja lalu meri atur ngagai bala pemesai iya pasal Abram, lalu sida ngasuh Abram angkat ari menua nya, sama enggau bini iya, sereta enggau semua utai ti diempu iya.

besemaya, Sarah empu deka ngandung lalu ngadaka seku anak lelaki, ba taun ti deka datai!—P-kal. 18:1-15.

(Pemungkal 17:15, 16) Ku Petara bejaku ngagai Abraham, “Nuan enda tau agi ngumbai bini nuan Sarai. Kenyau ari diatu nama iya Sarah. Aku deka merekatka iya, lalu Aku deka meri ngagai nuan siku anak lelaki ulih iya.¹⁶ Aku deka merekatka iya, lalu iya deka nyadi indai ke mayuh Bengkah Bansa, lalu sekeda ari peturun iya deka nyadi raja.”

w09 1/2 13

Reti Siti-Siti Nama

Petara Empu nukar nama sekeda orang ngambika ulih ngamatka semaya. Ambika chunto, iya nukar nama Abram, ke mai reti “Apai ti Ditinggika,” ngagai Abraham, ke mai reti “Apai ke Mayuh Bengkah Bansa.” Lalu baka nama iya, Abraham amat nyadi apai ke mayuh bansa. (Pemungkal 17:5, 6) Peratika mega nama bini Abraham, Sarai ke engka mai reti “Ituk.” Lalu iya tentu gaga ati lebuh Petara nukar nama iya ngagai Sarah ke mai reti “Anak Raja.” Tu nunjukka Sarah deka nyadi peturun raja.—Pemungkal 17:15, 16.

Ngulihka Penemu Bup Kudus ti Berega

(Pemungkal 15:13, 14) Ku Jehovah bejaku ngagai iya, “Nuan enda tau enda nemu tu: bala peturun nuan deka nyadi orang kampar di menua bukai. Sida deka nyadi ulun di menua nya, lalu deka kena perinsa empat ratus taun.¹⁴ Tang Aku deka ngukum bansa orang ke ngaga sida nyadi ulun, lalu lebuh sida ninggalka menua nya, sida deka mai mayuh pengaya.

it-1 460-461

Kronologi

Jehovah madah ngagai Abram (Abraham): “Nuan enda tau enda nemu tu: bala peturun nuan deka nyadi orang kampar di menua bukai. Sida deka nyadi ulun di menua nya, lalu deka kena perinsa empat ratus taun.” (P-kal. 15:13; peda mega SKR. 7:6, 7.) Utai tu dipadah sebedau anak ke disemaya, Isak, ada. Ba taun 1932 S.M., Hagar ngadaka Ismail, anak Abram. Lalu ba taun 1918 S.M., Isak pan ada. (P-kal. 16:16; 21:5) Lebuh ngitung 400 taun sebedau Pemansut ke nandaka pengujung pemerinsa nya (P-kal. 15:14), kitai deka datai ba taun 1913 S.M. maya Isak beumur lima taun. Maya nya Isak badu agi nusu lalu iya udah ny-

di “orang kampar” di menua bukai ke ukai enggi iya. Isak ngasaika pun pemerinsa baka ke udah dipadah laban Ismail, ke beumur kira-kira 19 taun, berengkah “beduan” iya. (P-kal. 21:8, 9) Taja pan ulah Ismail ke beduan Isak engka dikumbai ukai utai ti besai kemayaharitu, tang tu enda sebaka enggau runding orang ba jeman Abraham. Tu ulih dipeda ari utai ke digaga Sarah. Lalu enggau sukung ke diberi Petara, iya minta ngambika Hagar enggau Ismail diburu. (P-kal. 21:10-13) Utai tu ditulis enggau silik ba Bup Kudus. Lalu tu nunjukka pengawa nya ngepunka timpuh pemerinsa 400 taun ke deka abis maya Pemansut.—Gal. 4:29.

(Pemungkal 15:16) Empat serak udah bekau nya, nya baru bala peturun nuan deka pulai baru ngagai menua tu, laban Aku enggai muru orang Amor sebedau sida nyadi chukup jai, lalu patut diukum.”

it-1 778 ¶4

Pemansut

“Serak keempat.” Kitai patut ingat, Jehovah bisi madahka ngagai Abraham pasal serak keempat ke deka pulai baru ngagai Kanaan. (P-kal. 15:16) Sepemanjai 430 tahun ari maya sempekat Abraham berengkah nyentuk ngagai maya orang Israel pansut ari menua Ejip, bisi lebih ari empat serak, indah enti kitai ngitung orang ke ngembuan umur ti panjai maya jeman nya, baka ke disebut dalam Bup Kudus. Tang kebendar iya, orang Israel *semina diau ba menua Ejip* pengelama 215 taun. “Empat serak” pengudah sida tama ngagai menua Ejip ulih diitung baka tu, ngena chunto siti raban orang Israel, iya nya raban orang Lewi: (1) Lewi, (2) Kohat, (3) Amram, enggau (4) Moses.—P-sut. 6:16, 18, 20.

Macha Bup Kudus

(Pemungkal 15:1-21) Udah bekau nya, Abram bisi genera. Dalam genera nya iya ninga Jehovah bejaku ngagai iya munyi tu, “Anang takut, Abram. Aku deka nyaga nuan, lalu meri nuan upah ti besai.”²

Tang ku Abram nyaut, ‘Jehovah ti Pemadu Tinggi, nama guna upah ti deka diberi Nuan ngagai aku? Aku nadai purih, lalu orang ke deka bempu pesaka aku nya semina Elieser ari Damaskus.³ Nuan nadai udah meri aku purih, lalu siku ari bala ulun aku deka bempu pesaka aku.’⁴ Udah nya Abram lalu ninga Jehovah bejaku baru ngagai iya: “Ukai ulun nuan Elieser ti deka bempu pesaka nuan, tang anak

lelaki nuan empu.”⁵ Jehovah lalu mai Abram pansut, lalu bejaku, “Uji nuan engkadah lalu ngitung bintang ti di langit. Baka nya meh pemayuh peturun nuan.”⁶ Abram arapka Jehovah, lalu ketegal nya Jehovah ngumbai iya lurus.⁷ Udah nya Jehovah lalu bejaku enggau iya, ‘Aku tu meh Jehovah ti udah mai nuan pansut ari Ur di menua Babilon, lalu meri ngagai nuan menua tu nyadika pesaka nuan.’⁸ Tang ku Abram nanya, ‘Jehovah ti Pemadu Tinggi, baka ni ku aku tau nemu menua nya deka di empu aku?’⁹ Disaut Jehovah, “Bai ngagai Aku siku sapi ti indu, siku kambin, enggau siku bedus ti lelaki, genap iku sida nya umur tiga taun magang, enggau siku burung achang, enggau siku burung puna.”¹⁰ Abram mai semua jelu nya ngagai Petara. Tubuh semua jelu nya lalu dibelah iya dua. Iya lalu ngengkahka bidang tubuh siku-siku jelu nya berimbai, ba dua iti baris; tang tubuh burung enda dibelah.¹¹ Burung ti bepakaika bangkai lalu datai ngagai bangkai jelu enggau bangkai burung nya, tang Abram muru sida.¹² Lebuh mata hari nyau nurun, Abram jenak amat tinduk. Iya lalu berasai balat amat takut.¹³ Ku Jehovah bejaku ngagai iya, “Nuan enda tau enda nemu tu: bala peturun nuan deka nyadi orang kampar di menua bukai. Sida deka nyadi ulun di menua nya, lalu deka kena perinsa empat ratus taun.”¹⁴ Tang Aku deka ngukum bansa orang ke ngaga sida nyadi ulun, lalu lebuh sida ninggalka menua nya, sida deka mai mayuh pengaya.¹⁵ Nuan empu deka idup datai ke umur nuan nyau tuai, mati enggau selamat, lalu diku-burka.¹⁶ Empat serak udah bekau nya, nya baru bala peturun nuan deka pulai baru ngagai menua tu, laban Aku enggai muru orang Amor sebedau sida nyadi chukup jai, lalu patut diukum.”¹⁷ Lebuh mata hari nyau udah terunjam, lalu hari pen nyau petang, sigi periuk ti berasap, enggau siti sempun ti mau, pegari lalu bejalai ensaraka bidang tubuh jelu nya.¹⁸ Nya meh maya Jehovah ngaga siti sempekat enggau Abram. Ku Jehovah, “Aku besemaya deka meri semua menua tu ngagai bala peturun nuan, berengkah ari garis entara menua orang Ejip nyentuk ngagai Sungai Eupratis,¹⁹ nyengkaum menua orang Ken, orang Kenis, orang Kadmon,²⁰ orang Iti, orang Peris, orang Repaim,²¹ orang Amor, orang Kanaan, orang Girgas, enggau orang Jebus.”

17-23 FEBRUARI

RETA ARI BUP KUDUS | PEMUNGKAL 18-19

“Hakim ke Ngakim Semua Dunya’ Ngerusak Sodom enggau Gomorah”

(**Pemungkal 18:23-25**) Abraham mansang ngagai Jehovah, lalu nanya, “Kati Nuan amat deka munuh orang ke nadai penyalah sama enggau orang ke bepenyalah?²⁴ Enti sema lima puluh iku orang ke nadai penyalah bisi dalam nengeri nya, kati nuan deka ngerusak semua nengeri nya? Kati Nuan enggai ngalau nengeri nya ngambilka sida ke lima puluh iku nya enda kena bunuh?²⁵ Nuan tentu enggai munuh sida ke nadai penyalah sama enggau sida ke bepenyalah. Enggai nyadi baka nya! Nuan enda tau munuh sida! Enti Nuan munuh sida, orang ke nadai penyalah deka kena ukum sama enggau sida. Enggai nyadi sekali-kali baka nya! Hakim ke ngakim semua dunya enda tau enda ngakim enggau lurus.”

w17.04 15 ¶1

“Hakim ke Ngakim Semua Dunya” Seruran Ngereja Utai ti Ngena

“HAKIM ke ngakim semua dunya enda tau enda ngakim enggau lurus.” (P-kal. 18:25) Abraham nunjukka diri arapka Jehovah deka ngakim nengeri Sodom sere-ta Gomorah enggau lurus. Iya pechaya Jehovah tentu enggai “munuh sida ke nadai penyalah sama enggau sida ke bepenyalah.” Ba Abraham utai ke baka nya enda patut. Udah nya, ku Jehovah madah pasal Diri Empu: ‘Jehovah nya meh penyaga kita ke kering, lalu semua jalai iya endang lurus magang. Petara ti tetap ati, enda nипу. Iya ngereja utai ti ngena sereta lurus.’ –U-dat. 31:19; 32:4.

(**Pemungkal 18:32**) Ku Abraham, ‘Anang ringat ngagai aku, Jehovah. Aku deka bejaku sekali agi. Kati enti semina sepuluh iku aja bisi ditemu dia?’ Ku Jehovah nyaut, “Aku enggai ngerusak nengeri nya enti Aku bisi tetemuka sepuluh iku aja dia.”

w18.08 29 ¶4

Pengeliat Ati—Nulung Kitai Tegap Agi

Endang amat, Jehovah nya chunto ti pemadu manah ngayanka pengeliat ati. (2 Peter 3:15) Dalam Bup Kudus, kitai suah macha pasal pengeliat ati Jehovah. (Nehemiah 9:30; Isaiah 30:18) Kati nuan agi ingat,

baka ni Jehovah nyaut Abraham lebuh iya beberapa kali nanya pasal pemutus Jehovah ti deka ngerusak nengeri Sodom? Jehovah enda nylepak lebuh Abraham bejaku. Iya liat ati mendingka tiap iti tanya sereta pengirau Abraham. Udah nya, Jehovah nunjukka iya udah mendingka utai ke ngasuh Abraham irau ati sereta ngasuh Abraham pechaya, iya enda ngerusak nengeri Sodom enti sema bisi sepuluh iku aja orang ke nadai penyalah ba nengeri nya. (Pemungkal 18:22-33) Jehovah seruran mending enggau liat ati, lalu iya nadai kala ngereja utai ti enda patut!

(Pemungkal 19:24, 25) Jehovah lalu tekala nya ngujan nengeri Sodom enggau Gomorah ngena api merirang ²⁵ lalu ngerusak nengeri dua buah nya, enggau semua lebak nya, sereta enggau semua orang ke diau dia enggau semua utai ti tumbuh di menua nya.

w10 15/11 26 ¶12

Jehovah, Petara Kitai ti Pemadu Tinggi!

¹² Kitai ulih pechaya, Jehovah tentu deka ngetanka hak iya merintah. Iya tentu enggai nejuka penyai nyadi belama iya, lalu kitai mega nemu diri idup ba hari ti penudi. Jehovah ngukum orang jai maya Bah Besai. Iya ngerusak nengeri Sodom enggau Gomorah sereta Raja menua Ejip enggau bala soldadu iya. Sisera enggau Senakrip sama enggau bala soldadu sida enda ulih ngelaban kuasa Jehovah ti Pemadu Tinggi. (P-kal. 7: 1, 23; 19:24, 25; P-sut. 14:30, 31; P-ulu. 4:15, 16; 2 Raj. 19:35, 36) Ketegal nya, kitai ulih andal, Petara Jehovah tentu enda nejuka orang ngenyaika nama iya sereta ngemediska bala Saksi iya. Nambahka nya, kitai ulih meda bukti ke nunjukka tanda Jesus datai sereta pengerusak dunya ti jai tu.—Mat. 24:3.

Ngulihka Penemu Bup Kudus ti Berega

(Pemungkal 18:1) Jehovah pegari di mua Abraham ngimbai kayu ti besai di Mamre. Lebuh maya nya Abraham benung duduk ba penama ngagai langkau kain iya, laban hari balat amat angat.

(Pemungkal 18:22) Udah nya orang dua iku nya lalu mansang ngagai Sodom, tang Jehovah ninggal-ka Diri enggau Abraham.

w88 15/5 23 ¶4-5

Kati Bisi Orang Udah Kala Meda Petara?

Diatu kitai ulih mereti kebuah Abraham ngumbai diri

baka ke bejaku enggau Petara Jehovah lebuh iya bejaku enggau melikat ke ngarika Jehovah. Ketegal melikat tu ngarika Jehovah lalu bejaku enggau nyemetak utai ke deka dipadah Petara ngagai Abraham, Bup Kudus madahka utai ke nyadi nya baka ‘Jehovah pegari di mua Abraham.’—Pemungkal 18:1.

Kingatka, melikat ke ngarika Jehovah ulih ngenataika pesan iya enggau nyemetak sama baka telefon tauka radio ke ulih ngenataika pesan kitai ngagai orang bukai. Nya alai, kitai ulih meretika baka ni Abraham, Moses, Manoah enggau orang bukai ulih bejaku enggau melikat ti pegari baka ke bejaku enggau Petara Empu. Taja pan sida tu ulih meda melikat enggau mulia Jehovah ke dipandangka melikat nya, tang kebendar iya, sida tu enda ulih meda Petara. Nya alai, tu enda belaban enggau utai ti dipadah rasul John: ‘Nadai orang udah kala meda Petara.’ (John 1:18) Utai ti dipeda sida nya melikat ke ngarika Jehovah ukai Jehovah Empu.

(Pemungkal 19:26) Tang bini Lot malik kebelakang, lalu iya nyadi tiang garam.

w19.06 20 ¶3

Nulung Sida ke Napi Penusah ba Pengidup

³ Lot ngaga pemutus ti enda manah lebuh iya milih diau enggau orang ke ngembuan ulah ti balat kamah ba nengeri Sodom. (**Bacha 2 Peter 2:7, 8.**) Nengeri nya endang ami, tang Lot napi mayuh penusah ketegal pindah kia. (P-kal. 13:8-13; 14:12) Bini iya engka kelalu rinduka nengeri nya tauka rindu begulai enggau sekeda orang ke diau dia. Tu ngujungka iya enda ngasika Jehovah. Ketegal nya, iya mati lebuh Jehovah ngujan nengeri Sodom enggau Gomorah ngena api merirang. Lalu perundingka pasal dua iku anak indu Lot. Seduai iya betunang enggau lelaki ari nengeri Sodom, tang tunang seduai iya nya mega mati. Lot lenyau rumah enggau reta tengkira. Tang ke balat agi, iya lenyau bini. (P-kal. 19:12-14, 17, 26) Lebuh Lot napi penusah tu, kati Jehovah agi sabar enggau Lot? Au, iya agi.

Macha Bup Kudus

(Pemungkal 18:1-19) Jehovah pegari di mua Abraham ngimbai kayu ti besai di Mamre. Lebuh maya nya Abraham benung duduk ba penama ngagai langkau kain iya, laban hari balat amat angat. ² Iya malik lalu tepedaka tiga iku lelaki bediri enda jauh

ari iya. Lebuh iya meda sida, iya lalu belanda ngambat sida. Iya nyungkurka diri ke tanah,³ lalu bejaku, "Tuan, anang semina mansa rumah aku lalu enda ngetu. Aku sedia deka ngintu kita tiga.⁴ Awakka aku mai ai kena kita tiga masu kaki. Kita tau ngetu lalu belelak di baruh pun kayu tu.⁵ Aku deka mega mai pemakai, ngambilka kita kering majakka pejalai diri. Kita udah datai ba rumah aku, nya alai awakka aku ngintu kita tiga." Ku sida tiga nyaut iya, "Kereja aja utai ti ku nuan."⁶ Abraham lalu beguai-guai tama ngagai langkau kain iya, lalu bejaku enggau Sarah, "Jampat! Ambi tepung nuan ti pemandu alus, lalu panggang roti."⁷ Udah nya iya lalu belanda ngagai raban jelu sapi lalu nangkap siku anak sapi ti gemu, lalu nyerahka jelu nya ngagai ulun iya. Ulun nya lalu beguai-guai mela jelu nya.⁸ Iya ngambi lemak tusu, ai tusu, enggau dagin, lalu ngenahka pemakai nya di mua sida tiga. Di baruh pun kayu nya meh endur alai iya ke meri sida tiga makai, lalu sida tiga makai.⁹ Udah nya sida lalu nanya iya, "Dini alai bini nuan Sarah?" "Dalam langkau kain," ku Abraham nyaut.¹⁰ Siku ari sida tiga lalu bejaku, "Ba urung maya tu taun baru tu ila Aku deka datai baru, lalu bini nuan Sarah deka ngadaka anak lelaki siku." Nyadi Sarah bisa ari belakang orang nya, ba mua pintu langkau kain nya, mendingka orang nya bejaku.¹¹ Abraham seduai Sarah sama udah tuai amat umur, lalu Sarah udah badu agi datai kain.¹² Nya alai Sarah ketawa dalam ati diri, ku iya, "Aku diatu nyau tuai. Baka ni ku aku agi ulih beleman enggau laki aku? Nambahka nya, laki aku pen nyau tuai."¹³ Udah nya Jehovah lalu nanya Abraham, 'Nama kebuah Sarah ketawa lalu nyebut, "Baka ni ku aku ulih beranak lebuh aku nyau tuai baka tu?"¹⁴ Kat i Jehovah enda ulih nge-reja sebarang utai? Munyi ti disebut Aku, semilan bulan ari diatu aku deka datai ditu baru, lalu Sarah deka ngadaka anak lelaki siku.'¹⁵ Sarah takut lalu besangkalka diri ti udah ketawa. "Nadai aku ketawa," ku iya bejaku. Jehovah lalu nyaut. "Sigi amat, nuan udah ketawa tadi."¹⁶ Udah nya sida tiga mupuk, lalu mansang ngagai siti endur alai sida ke ulih ninjau ke baruh ngagai nengeri Sodom, lalu Abraham bejalai enggau sida, deka meda sida tiga mupuk.¹⁷ Lalu ku Jehovah bejaku dalam ati Diri, "Aku enggai ngelalai-ka ari Abraham utai ti deka dikereja Aku."¹⁸ Peturun iya deka nyadi bansa ti besai sereta kering, lalu Aku deka merekatka semua bansa ngena iya.¹⁹ Aku udah

milih iya, ngambilka iya ngasuh bala anak iya enggau peturun iya ngasika Aku, lalu ngereja utai ti ngena sereta lurus. Enti sida ngereja nya, nya baru Aku deka ngereja ke Abraham semua utai ti udah disemaya Aku."

24 FEBRUARI-1 MAC

RETA ARI BUP KUDUS | PEMUNGKAL 20-21

"Jehovah Seruran Ngamatka Semaya Iya"

(**Pemungkal 21:1-3**) Jehovah merekatka Sarah mu-nyi ti udah disemaya iya.² Sarah lalu ngandung, lalu ngadaka anak lelaki siku ke Abraham, lebuh Abraham nyau udah tuai amat umur. Anak mit nya ada ba maya ti udah diletak Petara.³ Abraham meri iya nama Isak.

wp17.2 14-15

Petara Ngangau Iya "Anak Raja"

Kati pengawa Sarah ti ketawa nunjukka iya kurang pengarap? Enda. Bup Kudus madahka: 'Ulih pengarap, Sarah ngandung, taja pen iya nyau kelalu tuai umur, laban iya arapka Petara deka ngamatka semaya iya.' (Hebrew 11:11, nota kaki.) Sarah ngelala Jehovah. Iya nemu Jehovah ulih ngamatka semua semaya ke digaga iya. Endaka semua kitai begunaka pengarap ke baka nya? Kitai patut ngelala Petara ke meri Bup Kudus enggau manah agi. Enti ngereja nya, kitai deka nemu Sarah amat ngembuan pengarap ba utai ti dikereja iya. Jehovah endang tetap ati lalu ngamatka tiap iti semaya iya, lalu kekadang iya engka ngereja nya enggau chara ti ngalitka ati kitai tauka ngasuh kitai deka ketawa!

"KEREJA AJA SEBARANG UTAI TI DIASUH SARAH"

Lebuh umur Sarah 90 taun, iya pan bulih utai ti dikinginka iya ngelama tu. Iya ngadaka seiku anak lelaki ke Abraham ti beumur seratus taun! Abraham meri anak mit nya nama Isak, tauka "Ketawa," baka ke dipadah Petara. Kitai ulih ngambarka Sarah lemi tulang tang iya tuchum lebuh iya madahka: 'Petara udah nyungkak aku ketawa. Semua orang ke ninga berita tu deka ketawa sama enggau aku.' (Pemungkal 21:6) Permeri ari Jehovah tu tentu ngagaka ati iya nyentuk ngagai iya mati. Taja pia, tu mega mai tanggung pengawa ti besai ngagai iya.

Lebuh Isak beumur lima taun, sida sebilik nyediaka

pengerami makai besai kena nandaka iya badu agi nusu. Tang udah nya bisa utai nyadi. Bup Kudus madahka, Sarah bisa beratika ulah ti enda manah. Anak lelaki Hagar, Ismail, ke beumur 19 taun, udu beduan Isak ke agi mit. Iya ukai semina beduan aja. Rasul Paul ke diiring roh kudus ngumbai ulah Ismail nya merinsaka orang. Sarah beratika pengawa beduan nya: tau ngachau pengidup anak iya. Sarah nemu Isak ukai semina anak iya. Anak iya bisa ungkup ti besai dalam tuju Jehovah. Nya alai iya meranika diri lalu bejaku enggau Abraham. Iya ngasuh Abraham muru Hagar seduai Ismail.—Pemungkal 21:8-10; Galatia 4:22, 23, 29.

Nama runding Abraham pasal jaku nya? Bup Kudus madahka: "Jaku nya balat ngenusahka ati Abraham, laban Ismail mega anak iya." Iya balat sayauka Ismail, laban Ismail mega anak iya. Taja pia, Jehovah ulih meda pekara nya enggau terang, nya alai iya masuk champur. Bup Kudus madahka: 'Tang ku Petara bejaku ngagai Abraham, "Anang irau ati ke nembiaik nya enggau ulun nuan Hagar. Kereja aja sebarang utai ti diasuh Sarah, laban semina nengah Isak aja nuan deka bulih peturun ti udah disemaya Aku.'" Jehovah madah ngagai Abraham, utai ke diguna Hagar seduai Ismail deka disediaka. Abraham nitihka jaku Jehovah.—Pemungkal 21:11-14.

(Pemungkal 21:5-7) Umur Abraham seratus taun lebuh Isak ada. ⁶ Ku Sarah bejaku, 'Petara udah nyungkak aku ketawa. Semua orang ke ninga berita tu deka ketawa sama enggau aku.' ⁷ Lalu ku Sarah bejaku, "Sapa berani madahka ngagai Abraham Sarah deka nusuka anak? Tang aku udah ngadaka anak ke Abraham lebuh Abraham nyau tuai."

(Pemungkal 21:10-12) Lebuh Sarah meda nya, iya lalu bejaku enggau Abraham. Ku iya, "Buru ulun nya enggau anak iya. Anak indu tu enda tau enggau bempu pengaya nuan, laban pengaya nya endang pesaka anak aku, Isak." ¹¹ Jaku nya balat ngenusahka ati Abraham, laban Ismail mega anak iya. ¹² Tang ku Petara bejaku ngagai Abraham, "Anang irau ati ke nembiaik nya enggau ulun nuan Hagar. Kereja aja sebarang utai ti diasuh Sarah, laban semina nengah Isak aja nuan deka bulih peturun ti udah disemaya Aku."

(Pemungkal 21:14) Tumu pagi hari siti Abraham meri Hagar bekal enggau sekambut ai. Iya nepanka anak mit nya ba belakang Hagar, lalu ngasuh Hagar

mupuk. Hagar mupuk, lalu bejalai segau-segau di menua puang Beer-seba.

Ngulihka Penemu Bup Kudus ti Berega

(Pemungkal 20:12) Iya endang amat menyadi aku. Iya anak apai aku, tang kami duai enda saum indai, lalu aku jadi enggau iya.

wp17.3 12, nota kaki

Nuan Indu ti Amat Bajik

Sarah nya menyadi tiri Abraham. Apai seduai iya, Terah, tang seduai iya enda saum indai. (Pemungkal 20:12) Pengawa tikah ke baka tu enda dikemendarka kemayaharitu. Tang pengerai mensia maya nya agi manah laban sida semak enggau pengidup ti sempurna ke dikemisi Adam seduai Awa. Nya kebuah, pengawa tikah entara kaban belayan ti semak enda ngenataika penusah genetik ba purih sida. Tang kira-kira 400 taun udah nya, pengerai mensia majak enda manah sereta nyau deka sebaka enggau mensia kemayaharitu. Ba maya tu, Adat Moses nagang pengawa besetubuh entara kaban belayan ti semak.—Adat Lewi 18:6.

(Pemungkal 21:5) Umur Abraham seratus taun lebuh Isak ada.

w16 15/8 17 ¶9, 10

Bisi Nuan Beratika Kebuah Nuan Patut Ngaga Pemansang ba Rohani?

⁹ Kitai engka keran deka ngereja mayuh agi pengawa ke Jehovah. Tang, baka ni enti kitai udah lama nganti siti-siti peluang ba gempuru tauka gaya utai ba pengidup kitai berubah? Kitai patut sabar. (Mik. 7:7) Taja pan Jehovah engka ngelakka utai nya terus nyadi ba pengidup kitai, kitai ulih pechaya, iya seruran deka nyukung kitai. Kitai ulih belajar ari teladan Abraham. Jehovah besemaya ngagai iya, iya deka bisa seiku anak lelaki, tang iya enda tau enda nganti betaun sebedau Isak ada. Maya nya, Abraham sabar sereta enda lenyau pengarap ba Jehovah.—P-kal. 15:3, 4; 21:5; Heb. 6: 12-15.

¹⁰ Endang amat, nganti enda senang. (J-lam. 13:12) Tang enti kitai terus berunding pasal gaya utai ba pengidup sereta pasal asai ati ke asa, kitai deka ngasaika diri balat enda diperansang. Taja pia, kitai ulih ngena awak tu ngemansangka kualiti ke deka diguna kitai ngambika ulih bejalaika sekeda tanggung pengawa ba gempuru.